

三國志集解

四

魏書六

三國志六

董卓二袁劉表傳第六

宋本元本馮本作董二袁劉傳第六監本官本分列諸人名後同杭世駿曰董卓之死在獻帝初平三年

操未秉政三國未分謝承華嶠司馬彪袁山松之徒撰後漢書皆爲立傳陳壽乃闌入魏志何也劉知幾云漢之有董卓猶秦之有趙高昔軍令之誅旣不列漢史何太師之斃獨刊魏書或曰魏志之首傳董卓明禍首也儻亦西漢世家項籍之意乎周壽昌曰董卓袁紹袁術劉表諸人皆非魏臣而魏志特爲列傳者蓋卓首亂者也卓擅亂時操尙未秉政三國未分似卓全無關於魏不知因卓之亂而操始擅朝政魏與蜀吳分鼎漢遂以亡紀卓所以紀亂源也至紹術表則皆操交兵拓地之所魏之强由此故亦傳於魏臣之前又案卓此傳較諸後漢書稍略蓋卓前半立功邊城及其强很暴虐弑逆之罪俱在漢朝故范史不能不詳載以著其所以傾漢者若陳志則詳記於何進召之入京以後其剪裁去取足徵史筆之潔王鳴盛曰董卓袁紹袁術等傳以范書較之范之詳幾倍於陳壽凡裴松之所採以入注者皆范氏取入正文者也陳之精簡固勝於范然范瞻而不穢亦不厭其繁

晉 平 陽 侯 相 安 漢 陳 壽 撰

宋中書侍郎西鄉侯聞喜裴松之 注

沔陽盧弼集解

董卓字仲穎

章懷注引卓別傳曰卓父君雅爲潁川輪氏尉生卓及弟旻故卓字仲穎旻字叔穎劉攽曰案注言卓與弟旻生潁川明當作穎何

焯校潁隴西臨洮人也

郡國志涼州隴西郡臨洮水經注洮水東逕臨洮縣故城北元和郡縣志故城卽岷州城一統志臨洮故城今甘肅

鞏昌府岷州治

英雄記曰卓父君雅由微官爲潁川綸氏尉

郡國志豫州潁川郡輪氏建初四年置齊召南曰前志潁川郡有綸氏疑縣不

自建初置也但前志作綸此志作輪一統志綸氏故城今河南河南府登封縣西南七十里續百官志縣尉大縣二人小縣一人尉主盜賊李祖楸曰漢時守相丞尉皆命於朝廷曹掾以下則用本郡之人由郡縣自辟除之常居門下故諸掾常以門下爲號有三子長子擢字孟高早卒次卽

卓卓弟旻字叔穎

少好俠嘗游羌中盡與諸豪帥相結後歸耕於野而豪帥有來從之者卓與俱還殺耕牛與相宴樂諸豪帥感其意歸相斂得雜畜千餘

頭以贈卓

吳書曰郡召卓爲吏使監領盜賊胡嘗出鈔多虜民人涼州刺史成就辟卓爲從事續百

官志州刺史皆有從事史假佐沈家本日後漢本傳言爲州兵馬掾使領兵騎討捕大破之斬獲千計并州刺史段穎

薦卓公府穎毛本作穎誤司徒袁隗辟爲掾續百官志司徒掾屬三十一人

漢桓帝末以六郡良家子爲羽林郎

續百官志羽林郎比三百石常宿衛侍從常選漢陽隴西安定北地上郡

西河凡六郡良家補

卓有才武

才監本官本作材膂力少比宋本元本膂作旅膂脊骨也

雙帶兩鞬左

右馳射

章懷注引方言曰所以藏箭謂之服藏弓謂之鞬左氏傳云右屬囊鞬

爲軍司馬

此中郎將之軍司馬也范書卓傳從中郎

將張奐爲軍司馬可證

從中郎將張奐征并州有功

梁章鉅曰後漢書董卓傳從張奐擊漢陽叛羌破之拜郎中案漢陽

在涼州此云并州恐誤潘眉說同弼按范書張奐傳奐督幽并涼三州先零羌鈔三輔奐遣司馬尹端董卓並擊大破之三州清定是不專指涼州也

拜郎

中賜練九千匹卓悉以分與吏士

范書卓傳卓曰爲者則己有者則士乃悉分與吏兵無所留張奐傳奐有勳名董卓

慕之使其兄遺縑百匹
奐惡卓爲人絕而不受

遷廣武令

郡國志并州雁門郡廣武三國魏移雁門郡治
此一統志廣武故城今山西代州西十五里

蜀郡北部都尉

郡國志邊郡往往置都尉稍有分縣治民比郡沈家本日蜀郡
北部都尉後漢書西南夷傳云冉駹夷者武帝所開元鼎六年

以爲汶山郡至地節三年宣帝乃省并蜀郡爲北部都尉靈帝時復
分蜀郡北部爲汶山郡云卓遷此官在桓帝末故尙爲北部都尉也

西域戊己

校尉

范書明帝紀永平十七年初置西域都護戊己校尉章懷注元帝置
戊己校尉戊己中央也鎮覆四方見漢官儀亦處西域鎮撫諸國

免徵

拜并州刺史河東太守

英雄記曰卓數討羌胡前後百餘戰

遷中郎將討黃巾軍敗抵罪

范書卓傳中平元年拜東中郎將持節代盧植
擊張角於下曲陽軍敗抵罪惠棟曰江表傳卓

不從鉅鹿太守郭典計故敗弼按續百官志劉昭注漢末又有四中郎將皆帥師征
伐不知何時置董卓爲東中郎將盧植爲北中郎將獻帝以曹操爲南中郎將案
操疑作植通鑑胡注云漢有三署中郎將五官及左右署又有使匈奴中郎將北
中郎將創置於此時蓋以討河北黃巾也又云卓爲東中郎將四中郎將始此李祖
楙曰漢末中郎將有加號者如朱雋傳鎮賊中郎將平難中郎將是劉焉傳鎮夷征
東二中郎將乃隨征伐之事還則免焉弼按范書於卓遷中郎將加一東字較陳志

爲密故通
鑑採之

韓遂等起涼州

韓遂事見武紀建安二十年注引典略

復爲中郎將西拒遂於

望垣碇北

潘眉曰西拒遂句絕時張溫別使卓討先零羌於望垣碇北爲羌胡所圍韓遂自在榆中非拒遂於望垣碇北也榆中屬金城郡望垣屬漢陽

郡沈家本曰潘說誠是然范書云邊章韓遂等大盛朝廷復以司空張溫爲車騎將軍拜卓破虜將軍與盪寇將軍周慎並統於溫屯美陽章遂亦進兵美陽溫卓與戰輒不利十一月夜有流星如火光長十餘丈照章遂營中驢馬盡鳴賊以爲不祥欲歸金城卓聞之喜明日乃與右扶風鮑鴻等并兵俱攻大破之斬首數千級章遂敗走榆中此西拒遂之事此傳略而不言遽接云於望垣碇北爲羌胡所圍語太簡則不明也弼按榆中在今甘肅蘭州府金縣西北（錢坫云在東北）望垣在今甘肅秦州西北范書卓傳張溫使卓將兵三萬討先零爲羌胡數萬人所圍糧食羌卓於望垣北爲羌胡所圍據此則潘說爲是

乏絕卓僞欲捕魚堰其還道

范書卓傳堰作隄章懷云其字義同但異體耳

當所渡水爲池使

水渟滿數十里默從堰下過其軍而決堰比羌胡聞知追逐水已深

不得渡時六軍上隴西五軍敗績卓獨全衆而還屯住扶風

郡國志司隸右扶風

治槐里建安十八年屬雍州一統志槐里故城今陝西西安府興平縣東南十里吳志孫堅傳邊章韓遂作亂涼州中郎將董卓拒討無功中平三年遣司空張溫西討

章等温以詔書召卓卓良久乃詣温温責讓卓卓應對不順孫堅前耳語温曰卓不怖罪而鷗張大語宜以召不時至陳軍法斬之温不納堅數卓三罪温不忍發語見

堅傳 **拜前將軍**

范書卓傳中平五年拜卓前將軍在封侯之後

封釐鄉侯

章懷注釐縣故城在今雍州武功縣字或作郃音台郡國志右

扶風郿有郃亭劉昭注史記曰封棄於郃徐廣曰今釐鄉李殿學曰郃釐古同音俱讀如今釐字馬與龍曰左傳昭九年杜注駘在武功縣所治釐城括地志故釐城一名武功城寔字記後漢省釐縣復自渭水南移武功縣於釐故城因謂之武功城據此則釐與武功爲一地董卓封釐鄉侯卽此弼按釐爲郿屬故卓進封郿侯一統志郿縣故城今陝西鳳翔府郿縣東北胡玉縉曰說文邑部郃云炎帝之後姜姓所封周棄外家國从邑台聲右扶風釐縣是也詩曰有郃家室段注周人作郃漢人作釐古今語小異故古今字不同郡國志無釐縣郿下曰有郃亭蓋釐縣併入郿也郃亭杜預謂之釐鄉徐廣謂之釐鄉今陝西乾州武功縣西南二十二里故釐城是段說視李馬說爲瞭惠棟曰山陽公載記云孤昔與周慎西征慎圍邊韓於金城孤語張温求引所將兵爲愼作後駐温不聽孤上言其形勢知愼必不克温又使孤討先零叛羌以爲西方可一時蕩定孤皆知其不然

徵爲并州牧

并州牧見武紀建安十年

靈帝紀曰中平五年徵卓爲少府

范書卓傳六年徵卓爲少府不肯就上書言所將湟中義從及秦胡兵皆詣臣曰牢直不畢稟

賜斷絕妻子饑餓牽挽臣車使不得行羌胡敝腸狗態臣不能禁止輒將順安慰增異復上朝廷不能制頗以爲慮

勅以營吏士屬左將軍

皇甫嵩詣行在所卓上言涼州擾亂鯨鯢未滅此臣奮發効命之秋吏士踴躍戀恩念

報各遮臣車辭聲懇惻未得卽路也輒且行前將軍事盡心慰卹效力行陣

范書皇甫嵩傳

中平五年涼州賊王國圍陳倉復拜嵩爲左將軍督前將軍董卓各率二萬人拒之卓欲速進赴陳倉嵩不聽賊衆疲敝果自解去嵩進兵擊之卓謂不可嵩獨進擊之使卓爲後拒連戰大破之卓大慚恨由是忌嵩

六年以卓爲并州牧

侯康曰范書徵卓爲少府及拜并州牧同在六年此則徵少府

先一年小有參差

又勅以吏兵屬皇甫嵩卓復上言臣掌戎十年士卒大小相狎彌久戀臣

畜養之恩樂爲國家奮一旦之命乞將之州

范書州上有北字

效力邊陲

范書卓傳卓於是駐兵河東以觀時

變

卓再違詔勅會爲何進所召

范書皇甫嵩傳嵩從子酈說嵩曰本朝失政天下倒懸能安危定傾者唯大人與董卓耳今怨隙已

結執不俱存卓被詔委兵而上書自請此逆命也又以京師昏亂躊躇不進此懷姦也且其凶戾無親將士不附大人今爲元帥仗國威以討之上顯忠義下除凶害此桓文之事也嵩曰專命雖罪專誅亦有責也不如顯奏其事使朝廷裁之於是上書以聞帝讓卓卓又增怨於嵩

靈帝崩少帝卽位大將軍何進與司隸校尉袁紹謀誅諸閹官太后

不從進乃召卓使將兵詣京師

通鑑考異曰何進傳召卓屯關中上林苑按時卓已駐河東若屯上林則更爲西去非所

以脅太后也今從卓傳杭世駿曰後漢書种劭傳董卓至澠池而進意更狐疑遣劭宣詔止之卓不受遂前止河南劭迎勞之因譬令還軍卓疑有變使其軍士以兵脅劭劭怒稱詔大呼叱之軍士皆披遂前責卓卓辭屈乃還軍夕陽亭章懷注夕陽亭在河南城西

并密令上書曰中常侍張

讓等竊幸乘寵濁亂海內昔趙鞅興晉陽之甲以逐君側之惡

公羊傳晉

趙鞅取晉陽之甲以逐荀寅與士吉射荀寅與士吉射者曷爲者也君側之惡人也此逐君側之惡人曷爲以叛書之無君命也

臣輒鳴鍾鼓

如洛陽

章懷注鳴鍾鼓者聲其罪也

卽討讓等欲以脅迫太后卓未至進敗

范書卓傳卓得

召卽時就道並上書曰中常侍張讓等竊倖承寵濁亂海內臣聞揚湯止沸莫若去薪潰癰雖痛勝於內食昔趙鞅興晉陽之甲以逐君側之惡人今臣輒鳴鍾鼓如洛陽請收讓等以清姦穢云云與此小異

續漢書曰進字遂高南陽人太后異母兄也進本屠家子父曰眞眞死後進以妹倚黃

門得入掖庭有寵光和三年立爲皇后進由是貴幸

范書靈帝紀光和三年立貴人何氏爲皇后章懷注南陽宛人

車騎將軍何貢女也洪亮吉曰貢當作眞傳寫誤后本屠家立一歲後始贈此職此注卽云車騎將軍女恐非弼按范書皇后紀光和四年追號何后父眞爲車騎將軍不
作貢 中平元年黃巾起拜進大將軍 典略載卓表曰臣伏惟天下所以有逆不止

者各由黃門常侍張讓等侮慢天常操擅王命父子兄弟並據州郡一書出門便獲千

金章懷注引此侮慢作怙慢京畿諸郡數百萬膏腴美田皆屬讓等范書宦者傳張讓趙忠等十二

人皆爲中常侍封侯貴寵父子兄弟布列州郡所在貪至使怨氣上蒸妖賊蠱起殘爲人蠹害當之官者皆先至西園諧價然後得去

臣前奉詔討於扶羅於夫羅事見武紀初將士饑乏不肯渡河皆言欲詣京師先誅

閹豎以除民害從臺閣求乞資直臣隨慰撫以至新安郡國志司隸弘農郡新安一統志新安故城今河南河南

府澠池縣東今改爲搭泥鎮方輿紀要今新安縣西臣聞揚湯止沸不如滅火去薪前書枚乘諫吳王曰欲湯之滄一人炊之百人

揚之無益也不如絕薪止潰癰雖痛勝於養肉范書作勝於內食通鑑胡注言癰疽蘊結破之雖痛勝於內食肌肉

浸淫滋大也及溺呼船悔之無及

中常侍段珪等

章懷注引山陽公載記段作殷范書通鑑俱作段

劫帝走小平津

章懷注小平津在今鞏縣西北

杜佑曰鞏縣西北有小平縣故城又北有津曰小平津范書靈帝紀中平元年置八關都尉官小平津爲八關之一方輿紀要小平城在孟津縣西北漢平陰縣城北有河津曰小平津津上有城張讓等將帝步出穀門至小平津讓等投河死帝夜從小平津步至雒舍雒舍在芒山之北驛舍也水經注平縣俗謂之小平小平津亦曰河

陽卓遂將其衆迎帝於北芒

水經穀水注引魏志曰明帝欲平北芒令登臺見孟津侍中辛毗諫而止嚴衍曰北邙山在河

南府城北七十里連亘四百餘里東漢諸陵多在焉一統志北邙山在河南府洛陽縣北東接孟津偃師鞏三縣界亦作芒山謝鍾英曰芒山在今河南府北二十里

還宮

范書靈帝紀云讓珪等復劫少帝及陳留王卓傳云段珪等劫少帝及陳留王黃山曰少爲未成乎帝之名帝辯安帝嫡長（弼按安字誤）卽位已再

改元未聞失德賊臣董卓廢而弑之卓誅原當復號立諡遭時紛亂大禮未行豈奚齊庶孽可比

張璠漢記曰帝以八月庚午爲諸黃門所劫步出穀門

水經穀水注穀水又東逕廣莫門北漢之穀門也北對芒

阜連嶺脩亘苞總衆山胡三省曰穀門位在子雒城正北門也

走至河上諸黃門既投河死時帝年十四

范書靈帝紀云年十

七皇后紀何后生皇子辯養於史道人家號曰史侯獻帝春秋曰靈帝數失子不欲正名養道人史子助家故年齡紀載互異又按皇后紀帝初平元年死時年十

八則十
七爲是

陳留王年九歲

范書皇后紀光初四年王美人
生皇子協中平六年封陳留王

兄弟獨夜步行欲還宮閣

暝逐螢火而行數里得民家以露車載送

胡三省曰露車者上無巾蓋四
旁無帷裳蓋民家以載物者耳

辛未公卿

以下與卓共迎帝於北芒阪下

范書靈帝紀云辛未讓珪等劫少帝陳留王走小
平津下文又云辛未還宮蓋誤通鑑云庚午讓珪

等將帝與陳留王步

獻帝春秋曰先是童謠曰侯非侯王非王千乘萬騎走北芒

出穀門辛未帝還宮

續五行志一云獻帝未有爵號此爲非侯非王上北芒者也弼按獻帝
是時已封渤海王徙封陳留王安得謂非王乎五行志所載多不足信 卓時適至

屯顯陽苑

胡三省曰顯陽苑桓帝延熹二年所造在雒陽西惠棟曰
蔡邕集起顯陽苑於城西人徙凍飢不得其命者甚衆

聞帝當還率

衆迎帝 典略曰帝望見卓兵涕泣羣公謂卓曰有詔卻兵卓曰公諸人爲國大臣不

能匡正王室至使國家播蕩

胡三省曰東都羣
臣謂天子爲國家

何卻兵之有遂俱入城 獻帝紀曰

卓與帝語語不可了

胡三省曰
了曉解也

乃更與陳留王語問禍亂由起王答自初至終無所

遺失卓大喜乃有廢立意

英雄記曰河南中部掾閔貢扶帝及陳留王上至雒舍止

漢官儀諸郡置五部督郵以監屬
縣河南尹置四部督郵中部爲掾
帝獨乘一馬陳留王與貢共乘一馬從雒舍南行

公卿百官奉迎於北芒阪下故太尉崔烈在前導卓將步騎數千來迎

局本千
誤作十烈呵

使避卓罵烈曰晝夜三百里來何云避我不能斷卿頭邪前見帝曰陛下令常侍小黃
門作亂乃爾以取禍敗爲負不小邪又趨陳留王曰我董卓也從我抱來乃於貢抱中
取王 英雄記曰一本云王不就卓抱卓與王併馬而行也

時進弟車騎將軍苗爲進衆所殺

英雄記云苗太后之同母兄先嫁朱氏之子

五行志作皇后異父兄朱苗
惠棟曰陶宏景云苗字叔達進部曲將

吳匡

匡子班爲吳壹族弟見
楊戲季漢輔臣贊注

素怨苗不與進同心又疑其與宦官同謀乃令軍中曰

殺大將軍者車騎也遂引兵與卓弟旻共攻殺苗於朱爵闕下

潘眉曰古今注永平
二年十一月初作北

宮朱爵南司馬門百官志北宮朱爵司馬主南掖門漢官典職曰偃師去洛四十
五里望朱爵闕其上鬱然與天連朱爵闕北宮之南門也時袁術與吳匡燒南宮

九龍門欲脅出張讓等讓等將太后天子及陳留王從複道走北宮何苗袁紹屯北宮朱爵闕下吳匡等遂引兵攻殺苗於闕下弼按范書靈帝紀何進傳朱爵作

朱雀爵

與雀同

進苗部曲無所屬皆詣卓卓又使呂布殺執金吾丁原并其衆故京

都兵權唯在卓

章懷注引英雄記曰原字建陽爲人麤略有勇善射受使不辭有警急追寇虜輒在前

九州春秋曰卓初入洛陽步騎不過三千自嫌兵少不爲遠近所服率四五日輒夜遣

兵出四城門明日陳旌鼓而入宣言云西兵復入至洛中人不覺謂卓兵不可勝數

先是進遣騎都尉太山鮑信

宋本元本馮本官本作先是吳本毛本作先時信事見子勛傳

所在募兵適

至信謂紹曰卓擁強兵有異志今不早圖將爲所制及其初至疲勞

襲之可禽也紹畏卓不敢發信遂還鄉里於是以久不雨策免司空

劉弘而卓代之

章懷注引漢官儀曰弘字子高安衆人汪文臺曰御覽百九十六引續漢書云卓住兵屯顯陽苑使者就拜司空

俄

遷太尉假節鉞虎賁

范書獻帝紀卓傳遷太尉假節鉞在廢帝之後獻帝紀作加鉞鉞虎賁章懷注引禮記曰諸侯賜鉞鉞然後專殺說

文曰鉞莖刀也蒼頡篇曰鉞斧也加鉞鉞者得專殺也

遂廢帝爲弘農王尋又殺王及何太后

范書皇后

紀董卓議太后踰迫永樂宮至令憂死逆婦姑之禮乃遷於永安宮因進酖弑而崩董卓令帝出奉常亭舉哀公卿皆白衣會不成喪也卓乃置弘農王於閣上使郎中令李儒進酖曰服此藥可以辟惡王曰我無疾是欲殺我耳不肯飲強飲之不得已乃與妻唐姬及宮人飲讌別酒行王悲歌曰天道易兮我何艱棄萬乘兮退守蕃逆臣見迫兮命不旋逝將去汝兮適幽玄因令唐姬起舞姬抗袖而歌曰皇天崩兮后土頽身爲帝兮命天摧死生路異兮從此乖奈我縈獨兮中心哀（袁宏紀柰作悼）因泣下嗚咽坐者皆獻欬王謂姬曰卿王者妃執不得復爲吏民妻自愛從此長辭遂飲藥而死時年十八

立靈帝少子陳留王

是爲獻帝

范書蓋勳傳勳與卓書曰昔伊尹霍光權以立功猶可寒心足下小醜何以終此賀者在門弔者在廬可不慎哉

獻帝紀曰卓謀廢帝會羣臣於朝堂議曰大者天地次者君臣所以爲治今皇帝闇弱

不可以奉宗廟爲天下主欲依伊尹霍光故事立陳留王何如尙書盧植曰案尙書太

甲既立不明伊尹放之桐宮

尙書太甲上篇營于桐宮正義曰經稱營于桐宮密邇先王知桐是湯葬地也往居墓側與放逐事同故

亦稱放也

昌邑王立二十七日罪過千餘故霍光廢之今上富於春秋行未有失非前事之

比也卓怒罷坐欲誅植侍中蔡邕勸之得免九月甲戌卓復大會羣臣曰太后逼迫永

樂太后令以憂死

范書卓傳作太后蹙迫永樂太后至令憂死章懷注太后靈帝何皇后也永樂太后孝仁董皇后靈帝之母也

逆婦姑

之禮無孝順之節

左傳曰婦養姑者也虧姑以成婦逆莫大焉

天子幼質軟弱不君昔伊尹放太甲霍光

廢昌邑著在典籍僉以爲善今太后宜如太甲皇帝宜如昌邑陳留王仁孝宜卽皇帝

祚

宋本元本馮本作宜卽尊皇祚范書卓傳卓因集議廢立百僚大會卓乃奮首而言曰大者天地其次君臣所以爲政皇帝闇弱不可以奉宗廟爲天下主今

欲依伊尹霍光故事更立陳留王如何公卿以下莫敢對卓又抗言曰昔霍光定策延年按劍有敢沮大議皆以軍法從之坐者震動尙書盧植獨曰昔太甲旣立

不明昌邑罪過千餘故有廢立之事今上富於春秋行無失德非前事之比也卓大怒罷坐明日復集羣僚於崇德前殿遂脅太后策廢少帝曰皇帝在喪無人子

之心威儀不類人君今廢爲弘農王乃立陳留王是爲獻帝又議太后蹙迫永樂太后至令憂死逆婦姑之禮無孝順之節遷於永安宮遂以弑崩袁宏後漢紀云

卓以廢帝議示太傅袁隗隗報如議又云太傅袁隗解帝璽綬通鑑採之

獻帝起居注載策曰孝靈皇帝不究高宗眉

壽之祚早棄臣子皇帝承紹海內側望而帝天姿輕佻威儀不恪在喪慢惰衰如故焉

左傳襄公三十一年比及葬三易衰衽如故衰杜注言其嬉戲無度也凶德既彰淫穢發聞損辱神器忝污宗廟皇太

后教無母儀統政荒亂永樂太后暴崩衆論惑焉三綱之道天地之紀而乃有闕罪之

大者陳留王協聖德偉茂規矩邈然豐下兌上有堯圖之表帝王世紀堯居喪哀戚

言不及邪岐嶷之性有周成之懿休聲美稱天下所聞宜承洪業爲萬世統可以承宗

廟廢皇帝爲弘農王皇太后還政尙書讀冊畢羣臣莫有言尙書丁宮曰范書王允傳丁彥思

蔡伯喈但以董公親厚並尙從坐洪亮吉曰丁宮疑卽丁彥思但無確據耳柳從辰曰靈紀中平四年光祿勳沛國丁宮爲司空注云宮字元雄不云字彥思也案

宮中平五年遷司徒六年七月始罷董卓廢帝遷太后卽九月事宮甫罷相何以在尙書是起居注亦有未足據者矣惠棟曰宮先爲蒼梧太守見吳志士燮傳弼

按據士燮傳宮爲交州刺史天禍漢室喪亂弘多昔祭仲廢忽立突春秋大其權春秋桓公

史非蒼梧太守也惠說誤也突厲公也公羊傳賢祭仲以爲知權也丁宮蓋用公羊說今大臣量宜爲社稷